



# Vuk'uzenzele

Uyethulelwa ngezokuThintana nokuNikela ngeLwazi kukaRhulumente (GCIS)

isiNdebele/English USihlabantakana 2016 UmGadangiso 1



**I-Diepsloot ifumana isitetjihi samapholisa esitjha**  
*IKhasi 7*



**AmaBhiliyoni ali-R7 abelwe umthangalasisekelo wamadoyelo**

*IKhasi 11*

**INEMIKHAN-GISO YEMISE-BENZI**

## Yenza bona ilizwi lakho lizwakale

### Ongezwa Manyathi

**A**maSewula Afrika anelungelo lokuvowuda afumene ithuba godu lokusebenzisa ilungelo labo langokomthethosisekelo nokufaka itshwayo ebhokisini lamavowudu emaKhetweni ezako womnyaka wee-2016 waboRhulumente beeNdawo zemaKhaya.

Ngokuvowuda, amaSewula Afrika azabe angaqinisi intando yenengi yelizwe kwaphela, kodwana bazabe badlala indima yokuba zizakhamuzi ezivowudela abadosiphambili ababathandako abazakusiza ngothuthukisa amaphilo wabo.

Itshwayo u-X liqakatheke khulu ephapheni lokuvowuda udlala indima ekwenzeni amakhansela wamadadi aziphendulele nokuqinisekisa kobana abomasipala babuyela endleleni esisekelo ngokuletha izenzelwa zomphakathi.

Ukuze intando yenengi yelizwe ihlale iqinile, kufuze amaSewula Afrika adlale indima emaKhetweni waboRhulumente beeNdawo zemaKhaya womnyaka wee-2016.

Ukufumana ithuba lokuvowuda kutjho bonyana amaSewula Afrika angenza iphimbo lawo lizwakale. Nokho lokhu akuzukukhona lokha abantu nabangaqinisekisi bonyana amabizwabo aserhelweni labavowudi ngaphambi kokufakwa kwalo.

Abavowudi bafanele ukutlolisa kanye kwaphela ngaphandle nabakhe bafuduka nanyana nakutjhu-gululwe imikhawulo yesiyingi sabo sokuvowudela. Lokhu kuqakathekile ngombana amaSewula Afrika amanengi awakayeleti bonyana amawadi wabo atjhu-gululwe.

Ekulumeni yakhe yobujamo beNarha, uMengameli u-Jacob Zuma wakhuthaza woke amaSewula ukuthi azitlolisele ukuvowuda.

Wathi, "Ngifuna Ukwenza isimemelelo kizo zoke izakhamuzi ezilungele ukuvowuda bona ziphume ngobunengi bazo ukuya eeyingini zabo zokuvowudela neentetjhini bayozitlolisa nanyana bayokujamisa kuhle imininigwana yabo ukuze balungele isikhathi lesi sentando yenengi esiqakatheke khulu".

Amakhululuhlulu weenkulungwana zamaSewula Afrika asilalele isimemelelwesi ngepelaveke yokuthoma yokuzitlolisela ukuvowuda ngoNtaka. IKomitiyini yezamaKhethe ezijameleko (i-IEC) imemezele godu ipelaveke yokugcina yokuzitlolisa ezakuba mhlali-9 ukuya nakali-10 kuSihlabantakana wee-2016.

AmaSewula Afrika angaphezu kweengidi ezintathu avakatihele iintetjhi zabo zokuvowudela ukuzitlolisa, ukuzitlolisa kabutjha nanyana ukujamisa kuhle imininigwana yabo. USihlalo we-IEC uNom. Glen Mashini, wathi isibalo sabavowudi abavakatihele iintetjhi sibuyelele kabili ngaphezu kesepelaveke yamathomo yokuzitlolisela amaKhethe waboRhulumente beeNdawo zemaKhaya womnyaka wee-2011.

Isibalwesi singaphezulu ngama-23% naku-madaniswa nepelaveke yokuthoma yokutlolisela amaKhethe weliZweloke neweemFunda womnyaka

> **Iyaraga ekhasini lesi-2**

**URhulumente weeNdawo zemaKhaya usezandleni zakho!**

**Tlolisela ukuvowuda!**

**9-10 kuSihlabantakana 2016**

REPUBLIC OF SOUTH AFRICA

## URHULUMENDE WEENDAWO ZEMAKHAYA

## Iphrojekthi eragwa bomma yakha iinkumba ezihle

Rirhandzu Nkombyani

Izakhamuzi ezihlala ezabelweni ezin-gaphasi kukaMasipala we-Mogalakwena zizakuba banini beenkumba ezihle ingasi-kade.

Imindeni ema-60 ye-Ga-Hlako ne-Tauetsoala ngaphasi kukaMasipala we-Mogalakwena, kuMasipala wesiYing i-Waterberg zizakuzuzwa emNyangweni we-zokuHlaliswa kwabaNtu weliZwelo kunye neJima laboMma loKwakha laminyaka yoke.

Ijima laboMma loKwakha lamiNyaka yoke liyiPhrojekthi ye-Letsema engophe ukwakhela abantu abanganabuyo njengabalupheleko, abomma, abantu abakhubazekileko nabantwana.

Kuyiphrojekthi yetjhebiswano yomNyango wezokuHlaliswa kwabaNtu, ihlangano yaboMma abakhako beSewula Afrika nababambisani bezikweli begodu iphrojekthi le ibanjwa qobe minyaka esifundeni sinye nanyana kezinye njengendlela yokugidinga iNyanga yaboMma.

Ijima loKwakha laboMma lathonywa ngomnyaka wee-2006 begodu selakhe iinkumba ezingafika ema-500 ngelizweni mazombe selokhu latlanywako.

Nagade akhuluma emnyanyeni wokuphendula isoyi ogade ubanjelwe e-Tauetsoala, iSekela likaNgqongqotjhe wezokuHlaliswa kwabaNtu u-Zou Kota-Fredericks wathi iphrojekthi le itjengisa bonyana yomithathu imikhakha karhulumente izimisele ukunikela amaSewula Afrika iindawo zokuhlala ezihle.

“Okuqakatheke khulu ngoKwakha kukobana kunetjhebiswano elibonakalako hlangana norhulumente, amakhampeni wangeqadi nezakhamuzi ezinikele ngesikhathi namandla wabo ukuqinisekisa ipumelelo yephrojekthi le,” kwathi iSekela likaNgqongqotjhe uKota-Fredericks.

Isekela likaNgqongqotjhe uKota-Fredericks wathi bayazi kobana iindawo ye-Tauetsoala ingaphasi kukaMasipala ogade anemiraro.

Unikele umphakathi isiqiniseko sokobana

iintjijilo zabo ziyatjhejwa begodu urhulumente ufunana nepengu yazo.

“Ngiyathaba ukuzwa bonyana izabelo ezinengi hlanu kwe-Tauetsoala zinegezi nokuthi abantu abanyebasize urhulumente ngokutlama amakoporas akhiqiza amaqanda, amaphepha weendlwaneni, amathawula wabomma neminye imikhiziqo.

USomkhandlu wezeTjhebiswano laboRhulumente, ukuHlaliswa kwabaNtu neze-Ndabuko e-Limpopo, u-Makoma Makhurupetje wathi umnyango uzibophelele ukuqinisekisa bonyana abomma banikela amandla begodu lokhu kuyabonakala ngamaphrojekthi weenkumba anikelwe kumakhampeni wokwakha izindlu alawulwa bomma ukusukela ngomnyaka we-1994.

USomkhandlu u-Makhurupetje wathi, “Emnyakeni weemali odluleleko nesikiwo lo, i-Limpopo yanikela ngamaphrojekthi wokwakha iinkumba ezizi-5 900 kumakhampeni ali-12 alawulwa bomma angadla imali engaba ma-R507 123 551. Ukuzibophelela kwethu kubonakala ngamathuba wokufumana izindlu esivavulele imiphakathi. Angaphezu kweengidi ezi-3.3 amathuba la avulwe ngehlelo likarhulumente lokusekela ukwakhiwa kweenkumba.

## UKWAKHIWA KWEENKUMBA EZIHLE

Omune wabazuzi bekumba ngephrojekthi le ngu-Joyce Ramashala (oneminyaka ema-58) wesabelo i-Ga-Hlako ngaphasi kukaMasipala we-Mogalakwena.

Ipilo gade ibudisi ku-Ramashala nomdenakhe abahlale iminyaka eminingi emithathani wamakamura amabili. Isikhathi sezulu gade sibudisi emndenini lo.

Lokha iSekela likaNgqongqotjhe u-Kota-Fredericks noSomkhandlu u-Makhurupetje bavakajhela umzakhe, wabhalalelwa kuzibamba ngethabo.

Wathi, “Anginamloko. Ngithabe khulu ngombana sesinendawo esiyibiza ngekhyala.



Abahlali bemathresteni i-Ga-Hlako ne-Tauetsoala e-Limpopo banikelwe amakhaya anesithunzi abazakuhlala kiwo nemindeni yawo.

Ikumba le izakubuyisa isithunzi sethu”. Omune ozuzileko ngu-Catherine Moreana (oneminyaka ema-70) ohlala ngekumbeni yamakamura amabili namalunga womndeni alikhomba. Iphrojekthi le yokwakhiwa

kweenkumba itjhugulule ipilwakhe neyomndenakhe.

**\*URirhandzu Nkombyani usebenzela uRhulumente wesifunda se-Limpopo.**

## &gt; Iraga isuka ekhasini loku-1

wee-2014.

U-Mashinini wathi “Lokhu kulitshwayo elihle khulu ngamaKhethe waboMasipala womnyaka wee-2016 ezako nangekusasa lelizwe”.

Nanyana iveke yokuthoma yokutlolisela ukuvowuda sele idlule, sisesekhona isikhathi sokutlolisela ukuvowuda. Abantu abalungele ukuvowuda, abangakabukutlolisa nanyana abafuna ukhulola imininingwano, bangenza isibawo e-Ofisini ye-IEC eseduze ngesikhathi somsebenzi nanyana batlolisele ukuvowuda ngamalinga wokutlolisa akhethekileko.

Abantu abalungele ukutlolisa e-Ofisini ye-IEC eseduze kufuze badose umtato qangi bahlale isikhathi sokubonana nespithimandla zamakhetho. Lokhu kubangelwa kukuthi njengalokha iLanga lamaKhethe litjidele nje abasebenzi bezamakhetho abangeli abahlali bange-ofisini kodwana bakhambela imiphakathi bayifundisa ngokuvowuda.

## ELINYE ITHUBA LOKUVOWUDA

Ungaphundwa yiveke yokutlolisa yesibili yamaKhethe kaMasipala wee-2016. Iintjijilo zokuvowuda zizokuvulwa ezweni loke ukuthoma nge-iri yobu-8 ekuseni ukufikela ku-iri yesi-5 ntambama nge-linga le-9 nele-10 kuSihlabantakana wee-2016.

## KUFANELE ILUTJHA LITLOLISE BEGODU LIVOWUDE

Njengombana ilizwe ligidinga umnyaka wama-40 solo kwaba nemiguguru yabafundi ye-Soweto ngomnyaka we-1976, kuyafaneleka bonyana ilutjha liphume ngobunengi balo ukuyokutlolisa bakhona ukuvowuda babe nombono ngekusasa labo. Isizukulwani selutjha sagadesi kufuze sikhuthale ngelutjha langomnyaka we-1976 badose phambili ekuzimeleliseni ikusasa lelizwe.

Abantu abanengi balahlekela mapilo wabo kobana woke amaSewula Afrika akhona ukuphila elizweni

elitjhaphulukileko nelentando yenengi. Nofana intando yenengi le ikhamba iqalana neentjijilo, lokho akutjho bonyana akunaragelaphambili eyenziweko ukusukela ngomnyaka we-1994.

## NGUBANI ONGATLOLISA?

Ukuze ulungele ukutlolisa kufuze ube sisakhamuzi seSewula Afrika; okungaseni ube neminyaka eli-16 ubudala (ungavowuda kwaphela ukuthoma eminyakeni eli-18 ubudala); ube noMazisi ohlaza enebhakhowudi; uMazisi oliKarada; nanyana isiTifiki sikaMazisi wesikhathjha sangokomthetho (i-TIC).

Abenzimbawo kufanela banikele ngesiphande salapho bahlala kileso sisinying sokuvowuda abazitolise kiso.

Gandelela ikunubhana u-“Like” ekhasini le-Facebook le-IEC (IECSouthAfrica) namkhala ulandele iKomitjhana yezamaKhethe eziJameleko ku-Twitter ku-@IECSouthAfrica wenzelelele bona ufumane ilwazi lamva mayelana nepelaveke yokutlolisela amakhetho ezako.

Lokha abavowudi banganasiphande sangokomthetho kufuze banikele iimphathimandla zamakhetho imininingwano eyaneleko yalapho bahlala khona ukuze baqinisekise bonyana batlolisa esiyingini sokuvowuda esifaneleko.

## NGINGATLOLISA NINI BEGODU KUPHI?

Ungabekisana neemphathiswa ngesikhathi sokwenza isibawo sokutlolisa ngesikhathi somsebenzi e-Ofisini ye-IEC eseduze naze eqalene nesinying sokuvowudela sangekhenu.

## KUFANELE NGITLOLISE NINI KABUTJHA?

**Kufanele utlolise kabutjha lokha:**

- isiphande sakho nasitjhugululileko
- i-IEC ikwazisa bonyana imikhawulo yesiyingini

sakho sokuvowuda itjhugululile.

## Uzokwazi bunjani kobana utlolisile begodu kuphi?

- Ukholola imininingwano yakho yokutlolisa, unga:
  - faka inomborwakho kaMazisi bese uyithumela nge-SMS ku-32810 (I-SMS ibiza iRanda)
  - qala imininingwano yakho yokutlolisa kubuzinzolwazi ku: [www.elections.org.za](http://www.elections.org.za)
  - hlola esitjijini sakho sokuvowuda ngepelaveke yokutlolisela ukuvowuda (mhlali ali-9-10 kuSihlabantakana 2016)
  - hlola e-ofisini ye-IEC eseduze namkhala yangekhenu ngesikhathi somsebenzi.

## UKWENZA ISIBAWO SOKUVOWUDA NGOKUKHETHEKILEKO

Ukuvowuda ngokukhethekileko kuvumela umvowudi otlolisweko, ongekhe akhona ukuvowuda esitjijini sakhe sokuvowuda ngeLanga lamaKhethe, ukwenza isibawo ngelanga elizakubekwa ngaphambi kweLanga lamaKhethe. Akusibo boko abantu abafanelwa lilungelo lokuvowuda ngokukhethekileko. Labo abafuna ukwenza isibawo sokuvowuda ngokukhethekileko kufanele babe neminingwano elandelako:

- ube mvowudi otlolisweko
- ube noMazisi ohlaza onebhakhowudi; uMazisi oliKarada; nanyana i-TIC yangokomthetho (yenza isibawo e-Ofisini yezangeKhaya).
- wanelise imibandela yamakhetho akhethekileko angophileko.

Ungenza isibawo sokuvowuda ngokukhethekileko nawungekhe wakghona ukuya esitjijini sokuvowuda sangekhenu ngombana ungavuki kule emzimbeni, ukhuzakelile nanyana usidisi; nanyana nawungekhe wawowuda esitjijini sakho sokuvowuda ngeLanga lamaKhethe.

## NGIVOWUDA NINI?

Ngokomthetho, amavowudu akhethekileko angenziwa ngelanga nanyana amalanga abekiweko erhelweni lamakhetho begodu akukho okungenziwa ngaphandle kwalokho.

**\*Umthombo: iKomitjhini yezamaKhethe eziJameleko.**

**Ukufumana ilwazi elinabileko dosela iKomitjhina yezamaKhethe eziJameleko (i-IEC) ku: 0800 11 8000 mayelana nemibuzo yakho ngamakhetho. Iziko lemiTato livulwa ukusukela ngoMvulo ukufikela ngeLesihlanu, ukuthoma nge-iri ye-7:00 ekuseni ukufikela keye-9:00 ebusuku.**

## Iingidigidi zivakatjhela iintetjhi zokutlolisela ukuvowuda

Priscilla Khumalo

**A**bavowudi abangaphezu kweengidi ezintathu bavakatjhele mhlapha iintetjhi zokuvowudela ngelizweni mazombe ngepelaveke yokuthoma yokutlolisa. Bahlanguana neengidi ezi-3 097 194 abantu abakhambele iintetjhi zokutlolisela ukuvowuda, abazii-692 730 gade bazitolisa kokuthoma, kanti abasi-1 086 958 bebatlolisa kabutjha eeyingini zokuvowuda ezihlukileko kanti abasi-1 317 506 baqinisekisa bebajamisa kuhle imininingwano yabo esiyingini sokuvowuda esisodwa.

Kube khona abantu abatjha abanengi abatlolisileko, lapho abantu abangaphasi kweminyaka ema-30 abazii-544 552 begade bazitolisa kwehlanda lokuthoma.

Okungaseni bama-54% abantu abatlolise kokuthoma babantu bengubo. Lokhu kutjhejwe khulu kizo zoke iimfunda, ngaphandle kweTl-hagwini Kapa, lapho kupheze kube nokulingana ngamaphesenti ama-50/50 hlangana nabababa nabomma mayelana nokutlolisa okutjha.

KwaZulu-Natal ne-Gauteng ipheze yaba nesiquntu sabo boko abatlolise kokuthoma, ama-24% wokutlolisa okutjha KwaZulu-Natal nama-22.5% e-Gauteng.



# Tlolisela ukuvowuda!



**URhulumende weeNdawo ze-  
maKhaya usezandleni zakho.**

**9-10 kuSihlabantakana 2016**



REPUBLIC OF SOUTH AFRICA

# I-Diepsloot ifumana isitetjhi samapholisa esitjha

Noluthando Mkhize no-Edwin Tshividzo

Isitetjhi samaPholisa se-Diepsloot esele kukade salindwa, esisethagwini yefwanasbhege, besavulwa begodu kulindelwe bona silwisane nobulelesi endaweni le.

Isitetjhi sivulwe ngokomthetho nguNgqongqotjhe wamaPholisa uNkosinathi Nhleko, okhombela umphakathi bona uvikele abomna nabantwana ngokusebenzisa iinhlangano ezitjhe ukuphepha komphakathi bona balwisane nobulelesi eendaweni zabo.

Wathi, "Ituthuko ibonakala lokha nakunokuthula... kusemandleni womphakathi ukunqiniseka ukuvikeleka kwabo. Kufuze sibambisane ekulwisani nobulelesi".

Ungqongqotjhe ubuye wanikela isiteyitjhi iinkoloyi ezitjha ezingaphezulu kwezima-21 ngomqopho wokuninisa ijima lokulwisana nobulelesi endaweni leya.

Urhulumente usebenzise iingidi ezin-gaphezulu kwezili-R100 ukwakha isitetjhi samapholisa esathonywa ngomnyaka we-2008.

Iphrojekthi yokwakha le yavulela umphakathi amathuba wemisebenzi njengabasebenzi ngezandla ilutjha elima-200 labandulelwa imikhakha ehlukileko yezokwakha ngeHlelo eliNatisiweko lemiSebenzi yomPhakathi (i-EPWP) nemiSebenzi eHlumisa iLutjha leliZwelo.

## UKUVIKELE ABANTU BE-DIEP-SLOOT

Umnanya lo wakhanjelwa godu ngumJaphethe kaKomitjhinara wezamaPholisa u-Lieutenant-General Johannes Phahlane, owathi isitetjhi samapholisa esisebenza kule siqakathekile komunye nomunye umphakathi.

"Thina siliButho lamaPholisa weSewula Afrika (i-SAPS), sithabe kwamanikelela ukuba nesisetjenziswesi esakelwe inzuzo yenu, Ukobana sikghone ukukhuthala ukusebenzela nokuvikela abantu be-Diepsloot ngokufaneleko nangokungenalela.

Uthe, "Zoke iinsetjenziswa ezilethwe esitetjhini samapholisesi zizakusetjenziswa ngefanelo nangokuzeleko nakulwisana nobulelesi".

U-Lieutenant-General Phahlane wangezelela ngokuthi kufanele amapholisa aziphendulele umphakathi abawusebenzelako. Utshwaye

ukuqakatheka kwetjhebiswano eliqinileko hlangana namapholisa nomphakathi.

Uthe iSewula Afrika ikhange abantu ababuya eendaweni ezihlukileko abeza ngedorobheni leJwanasbhege ngomqopho wokwenza ngcono ubujamo bepilo yabo.

"Abantu bezinye iimfunda nebamazwe abomakhelwana beza eJwanasbhege, eyikaba yomnotho we-Afrika".

"Indawo ye-Diepsloot, njengeminye imiphakathi, seyiminyene kanti abanye abantu baba ziinleli ngahlangane abanye basele utjwala ngokweqileko bebakhokhe butjhilweni iindakamizwa, izenzo evane zikhambisane nokubulala, ukuzama ukubulala, ukulimaza nokukata. Ngifuna ukugandelela ngokuthi sizokuqinisa isandla ekulwisani nezehlakalwezi."

Uthe kuqakathekile ukuqalana nobulelesi, abathengisi beendakamizwa, ikohlakalo neenleli.

"Sesithomile begodu sizakuragela phambili nokuthathela amalunga wethu amagadango, layo aphambana nalokho okujanyelwe lithwayo lethu. Senza ibizelo emphakathini wethu ukobana babike nganofana ngiziphi izenzo nokuziphatha kumbi kwamapholisa."

U-Jonathan Satheke osisakhamuzi se-Diepsloot ogade akhona nakuvulwa ngokomthetho isitetjhi samapholisa, watjela bakwa-Vuk'uzenzele bonyana uzizwa aphephile nasele kunesitetjhi samapholisa esele siphele ukwakhiwa.

Uthe "Siyathaba ngesitetjhi samapholisa esitjha ngombana siseduze khulu begodu lokhu kuzakwethusa iindleli".

## UKWETHULWA BUNQOPHA KWEZENDELWA EMPHAKATHINI

Ukusukela ngomnyaka we-2014, i-SAPS gade ilokhu isejimani lokutjhogulula nokwakha kabutjha iintetjhi zamapholisa ngokweHlelo lokwethulwa buNqopha kweZenzelwa emPhakathini (i-FSD).

"I-FSD yaphunyeleliswa ngurhulumente begodu yaphunyeleliswa yi-Ofisi kaMengameli ngomqopho wokunqiniseka bona sihloniphe imigomo ye-Batho Pele yokutjheja abantu qangi. Ngebangelo asikagkhoni kwaphela ukuthukisa ubujamo nokuqaleka kwemakhawo yethu kodwana siphumelele ukubandula



Ungqongqotjhe wezamaPholisa uNkosinathi Nhleko (phezulu phakathi) nomJaphethe kaKomitjhinara wezamaPholisa weliZwelo u-Lieutenant-General Johannes Phahlane bavule ngokomthetho isiTetjhi samaPholisa se-Diepsloot.



abasebenzi bethu ngomqopho wokwenza ngcono ukuziphatha kwabo nabasiza abantu abakhambela ngema-ofisini wethu nanyana nabadosela iintetjhi zethu zamapholisa umtato kwatjho u-Lieutenant-General Phahlane.

Wangezelela ngokuthi ihleliweli latlanyelwa ukudephisa ukusebenza ngefanelo. "Siwubonile umehluko. Sibe neragelophambili eentetjhini ze-FSD ezihlukileko esele zakhiwe kabutjha ezinye zavulwa. Sibone ukufikelela komphakathi, amaziko weentetjhi zamapholisa zokwamukela abantu netjhebiswano lomphakathi."

NgokukaKomitjhinara wamaPholisa

weliZwelo, amalunga we-SAPS azakusebenzela umphakathi azakukhuthaza ukuziphatha kule, ukusebenzisana kule nabantu nangelonipho.

"Kufuze ubulelesi buphele begodu, sisoke, kufuze senze iintrada zemiphakathi yethu ziphephe kobana sikwazi ukukhulisela abantwana bethu, ababadosiphambili bakusasa, e-Diepsloot ephephileko nengcono."

Ungqongqotjhe wezemisebenzi yomBuso uThulas Nxesi, naye obegade akhona emnyanyeni lo, wakhuthaza umphakathi bona usebenzise iinsetjenziswa zomphakathi ngetjhejo ngombana zenzelwe ukusiza wona.

# Ukulwisana nobulelesi nekohlakalo

Dorris Simpson

U Mengameli u-Jacob Zuma umemezele amagadango wokwandisa imizamo yokulwa nobulelesi nekohlakalo.

Lokha nakaphendula kukulumopikiswano ngeKuluma yobujamo beNarha, uMengameli wathi urhulumente uqinisa itlhatlha lomthetho begodu uyayaga namanye amagadango wokukhuthala ubulelesi nekohlakalo.

Uphawule ngokuthi, "Iyunithi yokuDliwa kwePahla yenze umsebenzi omuhle emnyakeni weemali ogadungileko".

Iyunithi le iqede imilandu yokudla ipahla ema-463 ebalwa kumaBhiliyoni amaBili wamaRanda begodu baqeda imileyo yokujanyiswa kwama-akhawundi ama-342 amumethe imali elinganiselwa kumaBhiliyoni ama-R2,8.

U Mengameli uZuma wathi, "Inani elipheleleko lebhiliyoni yi-R1.6 labhadelwa abongazimbi bobulelesi. Imali le yabuthelwa ngaphasi kwejima lokurhuhulula nokuruthula ikohlakalo.

U Mengameli wangezelela ngokuthi iingidi ezili-R11 zafunyanwa lapho abasebenzi bombuso gade basoleka ngekohlakalo neminye imilandu ekhambisana nayo.

Wathi isiKhabelelo somThethomlingwa wokuVikelwa kokuVezwa kweLwazi wendlalwa

kusiBethamthetho seliZwelo ekupheleni komnyaka ogadungileko.

"Umnqopho wawo omkhulu kuvikela abatjeli bonyana silwisane ngcono nekohlakalo nangokudephileko.

U Mengameli uZuma wathi, "UmThethomlingwa wokuVikela nokuPhelisa iZenzo zeKohlakalo wawo uzakwethulwa ngePalamende".

UmThethomlingwa lo uthukisa ukusetjenziswa komThetho wokuVikela nokuPhelisa kwezenzo zeKohlakalo kobana kuqalanwe neentjhi ezibonakalako kuvalwe namatjhuba angavela.

Omunye umthetho owethulwako mThethomlingwa wobulelesi be-inthanethi, ohlelwe ukwethulwa ngePalamende esiquntwini sokuthoma somNyaka we-2016.

Ubulessi be-inthanethi bungahlathulwa njengobulelesi obenziwa ngokusebenzisa umtjhingqondo ne-inthanethi.

## ITUTHUKO KEZEMISEBENZI AMAPHOLISA WESEWULA AFRIKA (I-SAPS)

Mayelana nezokuphepha, uMengameli wamemeza amaphuzo amabili alitshwayo letuthuko kwa-SAPS.

"Njengengenye yeqhinga lokuBuyela emiRajini, umNyango wezamaPholisa uzakutlama amakoro akhethekileko azokul-



URhulumente uzimisele ngokulwisana nobulelesi nekohlakalo ngelizweni.

wisana neendakamizwa nobulelesi obenzeke nangaphandle kwemikhawulo, inturhu nokusatjalaliswa ukuphambene nomthetho kweenkhali emiphakathini yekhetu."

U Mengameli wathi amakoro amabili la liZiko lokuTjhejwa kweNdakamizwa

leSewula Afrika neZiko eliTjheja iiNkhali ezingasimethethweni neNturhu yobuLelesi obuliTjhejoqangi.

Amakoro la azakuba ngaphasi kwelawulo lePhiko eliRhuhulula ubuLelesi obuliTjhejoqangi, elaziwa ngokuthi boKholo.